

**Modawat sa Ganti sa Gingharian ni Cristo
nga Purongpurong sa Pagkamatarong**

Basahong Kasulatan: 2 Tim. 4:7-8, 18; 3:2-5;
1 Cor. 9:25; Fil. 3:9; Sal. 45:13-14

- I. Aron mapahimuslan nato si Cristo nga ganti nato sa gingharian, mahigugma gyod ta sa pagtungha sa Ginoo, nga mao ang Iyang pagpakita ug pagpadayag kanato karon ug ang Iyang presensya uban sa Iyang katawhan sa ikaduhang pag-anhi Niya, pinaagi sa pagpabilin sa sigpit nga dalan sa pagkamatukawon sa kinabuhi ug pagkamatinumanon sa pag-alagad aron maumol nga pangasaw-onon ni Cristo—2 Tim. 4:7-8; Buh. 26:16; Rom. 8:19; 1 Tes. 5:23; 2 Tes. 1:10; Juan 14:21, 23; Mat. 7:13-14; 24:3, 45-51; 25:9, 13, 21:**
- A. Dili mabulag ang paghigugma sa pagtungha sa Ginoo ug ang paghigugma sa Ginoo mismo—1 Cor. 2:9; 2 Tim. 4:8; Juan 14:21.
 - B. Sa mapanagnaong hulagway nga gipakita sa 2 Timoteo 3:2-5 sa nadaot nga Cristianidad, upat ka talagsaong matang sa mga mahigugmaon ang gihisgotan: mahigugmaon sa kaugalingon, mahigugmaon sa salapi, mahigugmaon sa kalingawan, ug mahigugmaon sa Dios; bisan unsay gihigugma sa tawo, mapatumong ug maokupahan ug mapanag-iya gyod niini ang tibuok niyang kasingkasing, bisan ang tibuok niyang pagkatawo; mahinungdanon kini!
 - C. Duna bay adlaw sa himaya sa pagdaog sa iglesia o makalilisang nga mga adlaw ba sa pagkadaot sa iglesia hingpit gyong nag-agad kon unsang matanga ta sa mga maghihigugma; nagsulti nato ang kasaysayan nga ang gigikanan sa pagkadaot sa iglesia mao ang pagkawala sa unang gugma niya sa Ginoo—Bug. 2:4.
 - D. Aron mamintinar ang madaogong baroganan sa iglesia, magmahigugmaon gyod ta sa Dios aron matuman ang pamatigayon Niya; nisaad ang Ginoo nga ihatag ang purongpurong sa kinabuhi ug ang panulundon sa gingharian sa mga nahigugma Niya—Sant. 1:12; 2:5.
 - E. Simbolo sa himaya ug katahom ang dili madunot nga purongpurong nga ihatag nga ganti, pakapin sa kaluwasan sa Ginoo, ngadto sa madaogong magdadagan sa Cristohanong lumba—1 Cor. 9:25; 1 Ped. 5:4; Isa. 28:5:
 - 1. Dili iya sa grasya o tungod ba sa pagtuo kining gantiha, ingon man sa kaluwasan (Efe. 2:8), kondili iya sa pagkamatarong tungod sa mga buhat (Mat. 16:27; Bug. 22:12; 2 Cor. 5:10).
 - 2. Iganti ang purongpurong sa pagkamatarong dili sumala sa grasya sa Ginoo kondili sa Iyang pagkamatarong, ug ang moganti niini mao ang Ginoo nga matarong nga Maghuhukom—2 Tim. 4:8.
- II. Aron magantihan ni Cristo nga purongpurong nato sa pagkamatarong sa sunod nga panahon, sination ug pahimuslan gyod nato Siya nga atong subjectibo, gikinabuhi nga pagkamatarong ning panahona—Fil. 3:9:**
- A. Duha ang aspeto ni Cristo nga pagkamatarong sa mga magtutuo:
 - 1. Si Cristo ang objectibong pagkamatarong nato aron matarongon ta atubangan sa Dios sa dihang maghinulsol ta ngadto sa Dios ug motuo ngadto ni Cristo—Rom. 3:24-26; Buh. 13:39; Gal. 3:24b, 27.
 - 2. Si Cristo sab ang subjectibong pagkamatarong nato nga pagkinabuhi ug tinuod nga pagpadayag ni Cristo, nga mao ang labaw kaayong kahimtang sa pagpadayag sa Dios pinaagi sa pagkinabuhi kang Cristo—Fil. 3:9; 1:21a.

- B. Gihulagwayan kining duha ka aspeto sa pagkamatarong sa duha ka bisti sa rayna sa Salmo 45:13-14:
1. Nitakdo ang usa ka bisti sa objectibong pagkamatarong aron maluwas ta—“Hinabol sa hilo nga bulawan ang iyang bisti”—v. 13b:
 - a. Nagtimaan kini nga si Cristo nga nabatokan na pinaagi sa daghang pag-antos ug pinaagi sa kamatayon ug pagkabanhaw nahimong pagkamatarong sa iglesia nga motagbo sa matarong nga gipangayo sa Dios aron matarongon siya atubangan sa Dios—1 Cor. 1:30; Luc. 15:22; Jer. 23:6.
 - b. Ang pagkatinabonan niya sa bulawan nagtimaan sa iglesia diha sa diosnong kinaiya—Sal. 45:9b; 2 Ped. 1:4.
 2. Nitakdo ang usa pa ka bisti sa subjectibong pagkamatarong, aron modaog ta—“dad-on siya ngadto sa Hari diha sa binordahang bisti”—Sal. 45:14a; itandi sa Bug. 19:8; Mat. 22:11-12:
 - a. Ang madaogong mga magtutuo mao ang hiniusang rayna ni Cristo, nga naghimo ni Cristo nga harianong puluy-anan nila aron makaplagan sila diha ni Cristo ug aron mahimo Siyang subjectibong pagkamatarong nila—Sal. 45:13a; Juan 15:4a.
 - b. Kining binordahang bisti, ang usa pa ka bisti, ang ikaduhang sapaw sa iyang tabon, nagtimaan nga dad-on ang iglesia ngadto ni Cristo sa ilang kasal nga sinul-oban sa mga pagkamatarong sa mga balaan aron matagbo ang gipangayo ni Cristo alang sa kaminyoon nila—Bug. 19:8.
 - c. Ang bisti sa buhat nga binordahan mao ang subjectibong Cristo nga giborda nganha sa atong karakter, sa atong pagkatawo, aron mahimo natong gikinabuhi nga pagkamatarong.
 - d. Nagtimaan kining pagbordaha sa nagtranspormang buhat sa Espiritu Santo, nga nagbuhat adlaw-adlaw aron inanay nga iborda si Cristo nganhi kanato ug mahimong bisti nato sa kasal.
 - e. Mobayad gyog bili ang nadaot nga napahiuling iglesia aron ikinabuhi si Cristo nga subjectibong pagkamatarong niya aron mabistihan siyag Cristo isip naaprobahan-sa-Dios nga paggawi niya—3:18.

III. “...Luwason ko [sa Ginoo] ngadto sa langitnon Niyang gingharian”—2 Tim. 4:18:

- A. Ang langitnong gingharian, nga pareho ra sa purongpurong sa pagkamatarong, mao ang “gingharian sa ilang Amahan” (Mat. 13:43), “gingharian sa Akong Amahan” (26:29), “gingharian ni Cristo ug sa Dios” (Efe. 5:5), ug “walay kataposang gingharian sa atong Ginoo ug Manluluwas nga si Jesucristo” (2 Ped. 1:11), nga ganti unya sa madaogong mga balaan (Bug. 20:4).
- B. Mosalmot ang madaogong mga balaan sa langitnong gingharian, sa pagpadayag sa gingharian sa mga langit—Mat. 7:21:
 1. Isip “mga matarong,” magmasanagon ang mga anak sa gingharian, ang mga mananaog sama sa Adlaw sa gingharian sa ilang Amahan—13:43.
 2. Sa langitnong gingharian moinom pag-usab ang mga mananaog sa kopa sa bag-ong pakigsaad uban sa ilang Ginoo—26:29.
 3. Sa gingharian sa ilang Amahan magkombira ang madaogong mga magtutuo uban sa mga mananaog sa Daang Tugon—8:11.
 4. Alang sa mga mananaog ang langitnong gingharian mao unya ang malipayong panulundon—1 Cor. 6:9-10.
 5. Sa langitnong gingharian makapanunod ang mga mananaog sa kinabuhing dayon, ug tungod niana hingpit pa silang makapahimulos sa diosnong kinabuhi—Luc. 18:29-30.

6. Sa langitnong gingharian makasulod ang mga mananaog sa kalipay sa Ginoo ug tungod niana makabaton sa ilang kalag, maluwas sa ilang kalag, ug makapahimulos sa kaluwasan sa ilang kalag—Mat. 10:39; 16:25-26; 25:21, 23; Luc. 9:24; Heb. 10:39; 1 Ped. 1:5, 9.
7. Sa langitnong gingharian maghari ang madaogong mga magtutuo uban ni Cristo ug magbuot sa kanasoran—Bug. 20:4; 2:26-27.